



Universitätsbibliothek Paderborn

**Reginonis Abbatis Prumiensis Libri Duo De Ecclesiasticis
Disciplinis & religione Christiana**

Regino <Prumiensis>

Parisiis, 1671

XIX. De Episcopis sive Presbyteris qui per pretium gradum & Ecclesiam
acquisierunt.

urn:nbn:de:hbz:466:1-14622

De Episcopis, sive Presbyteris, qui per pretium gradum & Ecclesiam acquisierunt.

C A P. X I X.

Sed quia in multis locis ab his qui per avaritiam terrenæ possessionis & ecclesiastici ordinis pretium dant ut terrenarum rerum sibi abundantiam inde acquirant, sæpe perjurium fit illis qui hoc scandalō decipiuntur, justum est ut illis qui hoc faciunt condic̄ta vindicta retribuatur. Nam de talibus ita statutum est in canonibus.

In synodo Remensi cap. x x i. scriptum est: *Quicunque Presbyter per pretium gradum acquisierit, deponatur.* Ex Concilio Aurelianensi cap. x. *Vt nullus Presbyter ad introitum Ecclesia xenia det.* In Concilio Turonensi sive Magonitensi cap. x v. scriptum est: *Quicunque Presbyter per pretium Ecclesiam fuerit adeptus, omni modo deponatur; quoniam & ille contra ecclesiasticæ regulæ disciplinam agere dignoscitur.* Item & ille deponatur qui alium Presbyterum legitimè ad Ecclesiam ordinatum per pecuniam expulerit, eāmque sibi totaliter vendicaverit. quod vitium latè diffusum, summo studio emendandum est. Itē que interdicendum videtur Clericis, sive laicis, ne quis cuilibet Presbytero præsumat dare Ecclesiam sine licentia & consensu Episcopi.

Conc. Tur.

3. c. 15.

Conc. Mo-

gunt. sub

Rhab. c.

12.

Regino lib.

1. c. 338.

Vide Capi-

tulare

Theodulfi

c. 16.

"

* * *

Ii iij